

醫學探驪集卷二目錄

針藥主治略言

凡例十條

針灸主治論

禁針灸歌

灸而勿針針勿灸解

四勿湯解

用藥論

華勝論

中指同身寸圖

手寸折寸取穴說

仰人尺寸圖

俯人尺寸圖

節錄諸經穴法

手太陰肺經穴法考正

手陽明大腸經穴法考正

足陽明胃經穴法考正

足太陰脾經穴法考正

手少陰心經穴法考正

手太陽小腸經穴法考正

足太陽膀胱經穴法考正

足少陰腎經穴法考正



南京中醫藥大學圖書館藏

手厥陰心包絡經穴法考正

手少陽三焦經穴法考正

足少陽膽經穴法考正

足厥陰肝經穴法考正

任脈經穴考正

督脈經穴考正

經外奇穴



南京中医药大学图书馆藏

醫學探驪集卷二

直隸永平遷安宿鄉康應辰 著

子常汪太守
香圃劉文滋 校閱

針藥主治畧言

凡例十條

一凡古醫書專講五行子母生剋是集祇論氣血陰陽直陳形症主治於五行子母生剋概未贅言

一凡針灸靈龜飛騰子午流注雖用其穴其候時按刻之法概未照辦令人延醫行針僅備一飯之饌而且病人欲期速效若必延時候日方能用針調治則拘滯矣况婦人下體概不行針以存體統其為纏足故也如必須腿上行針先令其家人用物將其膝屈起命其兩腿曲彎將下體用被褥遮好於膝之上下如風市陽關陽陵泉三里隔單袂中衣蔽穴行此數針環跳穴若針一邊側卧亦可取用如子午流注其穴手足各半靈龜飛騰僅僅八穴其四穴皆在踝之左右此二法宜古不宜今也故未照辦



一凡與婦人診治。若用灸法。或胃腕痛。或繞臍痛。或少腹痛。祇可用艾炷灸其針尾。若腿膝患寒痛風痛。亦可用艾炷灸其針尾。至四花穴膏肓穴。一則須得按摩脊骨取穴。二者必須敞穴用灸。倘非至親之人。極難施治。故與婦人行針用灸。凡脊背之穴。一概不取。一凡行頭上之針。必須慎重。兩耳孔中間有一平骨。其形如蝶。以此骨之上。直至顛頂滿部。皆是腦髓。頭上之穴。皆可取用。稍斜刺三四分。不礙腦骨。即不傷腦氣。可以無妨。若深刺之。倘腦髓受傷。則其人立斃。

一凡業針醫。須先買銅人正背左右圖四張。以備細心察驗經穴。針灸書上雖有經穴圖。註篇幅太小。其經穴多不易察。再者。亦可到京都太醫院後邊三皇廟南牆外。有銅人廟。每逢初一十五。香烟極盛。若能到銅人廟中。細細察看經穴。日後行針取穴。更覺妥切。

一凡行針於大腹少腹處。其脈皆行內腹皮。惟陽明胃經脈極其寬闊。行針不過達其經絡。若腹中有陳寒結氣瘀血。灸之凝聚成塊。方可量其塊之厚薄。人之肥瘦。深刺其針。務將其塊針透。不礙臟腑。為妙。業醫者不求有功。但求無過耳。

一凡行針針數不可過多。頭部之針淺刺可五六針。腹部之針倘六脈虛弱尚有胃氣或黃疸或不嗜食等症僅可刺中脘一針。先開其脾胃左右之陳寒結氣使之稍進飲食而後可再多行幾針。其人壯盛或胃脘痛或繞臍痛可行五針。多者以七針為度。如風痛寒痛濕痛其四肢之針上下以十二針為度。若刺一邊股肱可行七針。起此一邊再刺一邊兩邊勻兩次行針以十四針為度。多則恐傷元氣。若放血之針則不以此論。刺多刺少以其非久留之針故不以數拘。

一凡用毫針當教銀匠製造用好紋銀不可握銅恐其燒肉較之鐵針永無折傷之患。要細而圓尖而利。故又名圓利鋒。以一寸至五寸為度。每寸各製數對備用。惟二寸者使項太多比一三四五寸者多製其五寸者惟腿上陽關穴肥人可針四五寸。氣水蠱脹腹部之針亦有行四五寸者。針灸主治於緊急陳久之症實為妙法。乃今之業針醫者將針包一開其包內之鐵針有八九寸者有一尺三四寸者。以此驚嚇鄉愚自命高手頭步針以左太陽行針將針尖以右太陽透出謂之過梁針。倘用針稍斜必礙眼系。眼系受傷其人立即目盲。此穴以鋒針刺五六分出血是病皆可除根。較之毫針更爽。必針

過梁有何益處。缺盆上氣管前有天窗穴。針噎膈之症。平刺入一分。將針豎起。向下直刺一尺餘深。謂之探海。夫此症在食管。乃於氣管前行此一針。其氣管下系者。肺心之臟。此針一下。非刺中心。即刺中肺。與屠狗何異。病者與數目內必死。是其人不死於噎。而死於針也。欲求生門。反尋死路。良可慨也。於腹上有數穴。從腹上行針。於後脊出針。謂之過螳針。針經云。前心深似井。後心薄如餅。蓋謂肝腎皆靠於後脊。故背脊旁之針。不敢深刺。恐針傷其各臟也。以後不敢向前行針。乃敢以前向後行針。其肝腎未有不利傷者。此過螳之針傷。與受礮彈箭射之傷無異。無非比礮子箭桿之傷孔稍小。其傷臟腑傷元氣。則一及行針後兩三日。其受針之人已斃。人且解之曰。有臟官。臟隸無有。臟醫生又曰。治了病。治不了命。有此二語。即明明醫生將人治死。亦可藉此以藏拙。亦思病人果因何而死歟。由是以觀。是行過針者。非以治病。反以害人也。但願醫者不製太長之針。則全活病人為不少矣。若人見有針醫。攜寸至一尺三四寸之針者。自可不用其治。或聞某醫慣用長針。亦可不延其診治。夫針醫本為治症。預比長針。若因其用長針。遂無人延請行針。針醫亦必自知悔過。將長針棄而不用。若遇針鋪。膽敢造

六寸至一尺三四寸之針者。理當議罰。此等惡習相延已久。不如此積弊實不易除。
一凡行針。當遵神應經補瀉之法。最為應手。將針行到分數補之。候其氣至。如魚吞餌之
壯。再行瀉法。及至其針鬆動。病已消散。不必拘何鐘點。即可出針。如有畏針之人。將針
針上。即不容醫生至其身旁。倘遇病人如此畏針。尚有一從權之法。可先用藥熨數十
根針。及行針時。知其畏針。即取藥熨之針行之。雖不行補瀉手法。其針藉藥之力。亦可
驅逐病根。至五點鐘時。其針與行手法之針。異用同功。亦皆鬆動。可以出針。○熨針藥
方。當歸川芎白芷各四錢。乳香人參各三錢。穿山甲二錢。麝香二分。共研極細面入瓶
內。將應用之針。亦入瓶內。將瓶口封好。用時將針以瓶內取出用之。

一凡集中方藥。不用古方者。另立一方名。擇用古方者。則謂之加減。全用古方。外加藥味
者。則謂之加味。用古方不加減者。則祇錄某方。不載藥味。至藥肆可沽買者。祇錄某丹
某丸。不載配本。

針灸主治論

針灸主治。創自岐黃。洞見穴法之源流。燭照經絡之終始。苟非天亶神聖。其孰能明察至

此夫豈敢為其難而使人受此苦乎。上古渾噩之世。人民稀少。得天獨厚。不識不知。順帝之則。內無七情之擾。外無六淫之傷。斯民永躋春臺。同登壽域。所謂疾病於何有哉。至黃帝之世。人民漸多。得天未必獨厚。故人民往往歷於病鄉。黃帝岐伯憂之。本民胞物與之心。擴老安少懷之量。凡病之輕者。投以藥餌。而即瘥。病之陳久者。根蒂業已滋深。病之緊急者。又頃刻不容稍緩。故造毫針。治陳久之疾。候其氣而使之散。用鋒針。除緊急之危。救其血而使之和。此誠苦海之金梁也。症之當用針。則針之。當用灸。則灸之。當用藥餌。海上方者。則以藥餌。海上方投之。無非欲使之速離病鄉。還其本原也。乃後世岐而二之。業針醫者。則以藥餌。遇症則以針為先。立藥肆者。不知用針。遇症則以藥為重。又況人以氣血流通之身。偶觸草木微芒。尚覺痛不可忍。而欲以金鐵之針。深刺肌膚之內。其不畏難者。幾希。嘗見染患沉疴。偃息臥榻。延醫請巫求神問卜。方積數十。治經百般。竟毫然無效。聞某某者有此疾。延某醫行幾針。而今已大愈。於是方延某醫針之。是不以針主治。恐登鬼路。而後始延醫行針。含着可憐。痛較勝於死。針灸之難。已至於此。墜緒不將有茫茫之嘆哉。言念及此。但願業針醫者。詳求脈絡穴法之真詮。深明補瀉迎隨之真義。無或過焉。無不及焉。

焉務使應手而效。度不失古聖先賢主治之良法美意也。

禁針灸歌

淺針頭部各無妨。勿向太陽刺過梁。四白更兼承泣穴。妄施針灸目皆盲。天突不可針。探海胸脇骨多灸。亦傷脊骨。禁針仍勿灸。大椎可刺及長強。針行腹部過臍忌。神闕錯針根蒂亡。休刺玉莖橫骨上。氣衝兼戒會陰鄉。丹田女子不宜刺。孕婦休將合谷量。巨闕穴中堪着灸。臍輪上下灸皆良。近筋近骨休施灸。關節行針自不祥。主治臨時須慎記。有功無過保安康。此不過將禁針禁灸極要之處畧為言之。如水分無論何症皆可不必禁針。即氣水腫脹用細毫針針之亦可無礙。三陽絡穴骨縫太窄。深刺恐其針有折傷之虞。淺刺尚可。其餘依然照針經禁針禁灸戒之。更為穩妥。

灸而勿針針勿灸解

針經禁灸歌中有灸而勿針針勿灸之句。下又有庸醫針灸一齊用之句。此一句不可串講。倘一串講則是凡穴若針而不灸。或灸而不針。針灸不一齊用。是穴皆可針皆可灸也。又何必特為立出禁針禁灸歌來。有何益哉。蓋此句不作如是解。兩勿字當重讀。謂凡可

灸之穴萬勿用針如神闕騎竹馬穴之類是也凡可針之穴萬勿用灸如頭面胸脇部之穴是也若活潑一串看去取用一穴無論禁針不禁針針而不灸即可無論禁灸不禁灸灸而不針即可祇要針灸不一齊用是無不可針無不可灸之穴倘或錯針錯灸則貽禍無窮況行針一門亦有針灸兼用者如胃脘作痛內有陳寒結氣凝聚不散將針針上僅行手法針力與病勢兩不相敵必須用艾炷灸其針尾其病方能速效他如赤白下痢淋症疝氣陰寒等症又皆當灸其針業針醫者於臨症時察其病勢善為權度之可也

四物湯解

湯頭歌云四物地芍與歸芎血家百病此方通蓋以當歸為君以生地為臣芍佐芎使溫涼得宜實為理血妙品倘遇血家之症當審其是血家何病萬不可謂古人有言血家百病皆可用四物為君此湯止為虛弱家補養之需可以全用然亦可以擇用今試畧舉數症如暴發火眼唇破口爛舌腫咽痛吐血衄血皆為血家之症諸如此類乃上焦積熱所致芎歸本辛溫之品用之反以助熱非徒無益而又害之而於吐衄則尤當戒用至於男子淋痢婦人崩漏乃下焦積熱之症亦不可用歸芎辛溫之品惟上焦積熱血家之症用

生地佐以赤芍。下焦積熱血家之症。用熟地佐以白芍。若癰瘍初起。則當重用川芎。癰瘍已潰。又宜重用芍歸。婦人產後發熱。脈象洪數。此非因熱而血病。乃因產傷血。真陰不足。孤陽偏盛。雖然。洪脈身熱。又當重用歸芍。蓋以當歸能補血。川芎能活血也。地黃雖能大蒸。仍是清涼之品。故產後諸症。地黃芍藥。又宜戒用。是在業醫者。貴臨症而善為變通耳。

用藥論

古人謂用藥如用兵。此語信然。凡用兵必先偵探地勢。再詳查敵人衆寡虛實。而後派猛將強兵。一鼓可獲全勝。若用藥必先診視脈象。再詳察形症輕重強弱。而後始選藥立方。一劑可保身安。此同然之理也。況醫生之方。本為治病而立。非為冠冕好看。今市厘之小藥肆。如阿膠牛黃。羚羊犀角。琥珀水安息。白花蛇之類。多非地道之藥。有其名而無其實。雖似是而實則非。倘必用此藥。可於發行處沽買。若真知其無有。立方時可以他藥代之。一方用藥。不過數味。苟信筆開去。服之不效。遂推諉藥料之不真。醫生竟欲以此為藉口。夫祛寒清熱之藥。不一而足。醫生採用藥之權。仔細思之。病之不效。果誰之咎歟。惟醫生用藥。當以診視為先。務指下明白。胸中雪亮。立方自不至失之差謬。如脈理不清。診視終

是糲糊不敢用涼藥清熱。復不敢用溫藥祛寒。選一平妥湯頭為君。再加幾位平和之藥為佐。此方雖不能去疾。亦自不能添病。若無關緊要之症。服之固然無妨。一遇傷寒傳變之症。以平淡之方。優游貽誤。致令病勢日盛。正氣日衰。牽延至於莫救。所謂庸醫殺人者。不必在過用峻劑也。想山藥扁豆。乃田家之風味。芡實蓮子。又筵席之珍饈。諸如此類。飽食可以充饑。飲湯何能止餓。此不過為無病之人。欲資保養。與之立方。研末煉蜜為丸。每服若干。藉以為茶點之用耳。以之保養。則可以之療疾。則不可。然亦非謂主治立方盡宜用猛烈之品也。夫古人單方。可以濟世。一藥可以活人。凡蟲魚鳥獸。動植飛潛。萬物之中。皆可為人效用。韓文公云。牛溲馬勃。敗鼓之皮。兼收並蓄。其謂之何哉。因病施治。精於診視。自必精於選擇。雖朽腐皆可化為神奇馬。

華勝歌

黃岐聖哲曾從天。洞見諸經脈絡連。選穴製針詳治法。沉痾緊急病皆痊。倘逢諸中並諸厥。不取諸井取十宣。緊閉牙關針兩頰。人中承漿刺當先。傷寒初感邪居表。尺澤委中刺莫延。更有太陽宜出血。霎時汗出保安然。過經不解期門刺。巨闕結胸穴莫偏。白虎人稱

歷節風支溝間使合谷同陽陵三里環跳穴腿上風邪此穴攻如不應時針絕骨膝關風
市上廉中痛風臂上如無效內外二關穴可通頭腫風池風府透太陽攢竹見奇功再針
百會兼風府腫散毒消體自豐目眩頭暈苦難醫後頂強間百會施前頂相連尋顙會二
陽務將佐針推喝斜口眼承漿刺攢竹人中地倉隨更刺太陽并兩頰佐針合谷病全移
不聞香臭迎香取耳閉翳風聽會期更有耳門須淺刺佐針合谷莫延遲兩邊齒痛頰車
取上片人中穴在滋下片承漿行補瀉佐針合谷是根基若逢咽痛少商覓甚者休將尺
澤遺若是木舌多腫脹廉泉合谷莫猜疑走馬牙疳取承漿齒根出血及牙床頰車合並
人中刺火去心安身自康咳嗽先宜針巨闕次針中脘理脾鄉若逢吐血何經刺兩樣行
針尺澤詳俞府更將俞穴刺心肝膈處細審量若然翻胃食難下中脘天樞氣海強不嗜
食兮中脘刺再針巨闕勿荒唐胃心苦痛亦針此上脘陰交建里臧凡此務須針用佐梁
闕滑太記休忘數針不祇除心痛黃疸中消用亦良以外再兼鳩尾穴五瀉能治並癲狂
大椎除瘧闕元並水腫章門勿用商更有水分三里穴金針補瀉豈尋常天行吐瀉不容
刻腹內急疼痛處針霍亂轉筋兼吐瀉十宣手足去搜尋支溝間使頻燒艾三里陽陵刺

莫深吐瀉平常何所刺一針尺澤漚先禁陳寒凝結繞臍痛先刺天樞氣鬱擒次將陰交
 臍下取更針水分病難侵關元氣海能除痢中極關元善治淋疝氣歸來中極取公孫輔
 佐妙從心陰寒針灸關元塊上燒針總祛陰腰痛胞盲谷最珍秩邊針刺可回春土廉
 股痛尋風市針透陽關環跳膝下外廉三里刺懸鐘並刺下廉勻陽陵泉可除筋痛膝
 下內廉漏谷真更向地機針且灸陰陵針到灸通神犢鼻專主膝疼痛佐以陽陵病去陳
 踝下外邊直束骨金門申脈兩相因內邊踝下中封取照海水泉勿用詢臂疲間使透支
 溝曲池肩髃細講求火眼鋒針攢竹刺太陽出血又何愁睛明去翳兼臨泣肝腎太陽刺
 莫休欲為項瘡先瀉熱風門大杼是根由掃除痔漏何方覓惟向長強針久留疔毒起時
 先用灸火消鬱散毒全收瘡生遍體鬱難盛竹馬騎來根自搜男婦小兒同一治倘生瘡
 塊另為謀瘡根掌上橫紋處四縫穴針厥疾瘰華勝歌完詳主治同登壽域樂悠悠


中指同身寸圖




手寸折寸取穴說

針經云。男左女右手。中指第二節內。延兩橫紋頭相去為一寸。取稻稈心量。或用薄篋裏皆易折而不伸縮為準。用繩則伸縮不便。故多不準。夫此手寸法。僅可為背部橫寸之用。至背部之豎寸。則以脊骨節為準。脊骨每長短不一。故其穴亦遠近不等。至於頭面胸脇腹部並四肢之穴。取穴之法。俱當用折寸法。針經將仰人俯人之圖。繪之於前。將手寸之圖。繪之於後。及閱針經。見此手寸取穴之法。謂為同身寸。遂以此寸作週身之寸。以此取法為簡而該。以週身折寸之法為繁而難。嘗見針醫診脈已畢。於行針之先。無論於頭面胸脇四肢某處取穴。先令人覓一稻稈。執病人之手。量其手寸。再於胸腹部或頭面部以此手寸量穴。究之其一穴亦取不準。其取穴既不準。其行針又何能應手取效乎。欲業針醫者。除背部橫寸以手寸取穴。其餘皆當以折寸法取穴。故將仰人俯人折寸之圖列後。

仰人尺寸圖

[illegible]

俯人尺寸圖



手足背卸橫寸
 可用手寸取穴
 肘至腕長
 腕至肘
 肩至肘
 項髮
 至脊
 脊二
 脊至尾
 骨半
 一尺七
 骨廣九寸
 前髮際至從二
 髮際折作十二節
 為一尺二寸前髮際不明
 者取眉心直上行三寸後髮
 際不明者取大椎上行三寸
 前後俱不明者折作一尺八
 寸頸部直寸並依此法取

節錄諸經穴法

手太陰肺經穴法考正

尺澤○肘中約紋上動脈中屈肘橫紋筋骨罅中針五分留五點鐘時主吐血喘嗽以鋒針刺紫脈出血不必拘在動脈上凡橫紋中大血絡皆可刺之主傷寒霍亂吐瀉咽痛吐血上焦實熱虛熱急火赤痢身熱

少商○大指內側去爪甲角如韭葉宜以鋒針刺之出血專泄肺熱不宜灸主諸中領腫咽痛喉閉乳蛾

手陽明大腸經穴法考正

商陽○手大指次指內側去爪甲角如韭葉宜以鋒針出血主諸中

合谷一名虎口○手大指次指岐骨間陷中針一寸留五點鐘時主白虎歷節風口眼喎斜偏

正頭痛目赤腫痛目生雲翳鼻不聞香耳聾氣閉齒痛走馬牙疳木舌腫脹面上浮腫孕婦忌行此針

曲池○肘外輔骨屈肘橫紋頭陷中以手拱胸取之針一寸留五點鐘時主繞踝風手臂